

HAL EHWAL KEDUDUKAN ISLAM DI INDONESIA

NEGARA KEBANGSAAN ATAU NEGARA ISLAM?

Dalam masa lawatan Presiden Sukarno ke Kalimantan sedikit hari yang lalu tatkala tiba di Amunatai maka di dalam persidangan raksasa itu penduduk Amunatai meminta penjelasan adakah negara Indonesia negara kebangsaan atau negara “Islam” dan di dalam jawapannya Presiden Sukarno telah menyatakan bahawa sekiranya Indonesia dijadikan negara Islam maka bermakna ia memecahbelahkan negara Indonesia dan negeri-negeri seperti Irian akan tidak dapat disatukan. Ucapan ini telah dibantah dengan hebatnya oleh umat muslimin Indonesia sama ada dari pertubuhan atau pemimpin-pemimpin Islam kerana yang demikian itu adalah dipandang mereka sebagai suatu faedah untuk menakutkan sebahagian akan adanya sebuah negara Islam yang menjadi cita-cita 90 peratus penduduk Indonesia.

Sukarno dibidas

(Oleh Edrus)

Alasan-alasan yang diberi

kepada tujuan-tujuan yang tersebut

ialah memandang bahawa di daerah-daerah

Sulawesi khususnya masih

banyak negara-negara yang penduduknya

terdiri daripada orang-orang

yang bukan Islam. Pemimpin-pemimpin

Islam yang terkemuka seperti

Tuan Isa Anshari

atas namanya sendiri

telah membangkang dengan hebat

ucapan Presiden itu dan memandang bahawa yang demikian itu

sebagai satu penghinaan kepada umat Islam. Boleh dikatakan tiap-tiap

pemimpin umat muslimin Indonesia tidak seorang pun

dari mereka itu yang tidak berhajat kepada sebuah negara

Islam iaitu sebuah cita-cita yang harus akan dapat

dilaksanakan apabila penduduk-penduduk Indonesia yang terdiri daripada



Muhammad Isa Anshari Ketua
Masyumi Jawa Barat

90 peratus penduduknya itu beragama Islam. Cita-cita dan tujuan itu dikehendaki oleh pertubuhan-pertubuhan siasah Islam yang kanan seperti Masyumi dan lain-lainnya adalah menegakkan negara Islam di Indonesia itu dengan jalan perlombagaan – tidak dengan secara jalan kekerasan seperti yang dilakukan oleh Darussalam di Jawa Barat itu.

Gerakan pemuda Islam Indonesia di dalam suratnya kepada Presiden Sukarno menyatakan yang mereka tidak senang kepada ucapan Presiden di Amunatai itu dan memandang ucapan itu bahawa “terang-terang membawa rakyat kepada pengertian yang salah terhadap kepada ideologi (faham) Islam” dan kerana itu “tidak mendidik rakyat kepada demokrasi yang kita perjuangkan”. Seterusnya surat ini berkata : “Kini bapa (Presiden) telah menanam benih-benih perpecahan kepada rakyat kalau negara kita ini nanti atas keputusan rakyat terbanyak dalam perlombagaannya memilih Islam sebagai dasarnya”.

Nahdah al-Ulama pula telah menulis sepucuk surat menyokong pendapat Isa Anshari dengan menambah kata bahawa pendapatannya yang demikian itu ialah kerana kenyataan pemerintah Islam itu tidak akan dapat memelihara persatuan bangsa dan

akan menjauhkan Irian, menurut pandangan hukum Islam adalah merupakan perbuatan mungkar yang tak dapat dibenarkan syariat Islam dan wajib bagi tiap-tiap Muslimin menyatakan ingkar atau tidak bersetuju atasnya.



Mohammad Natsir Pengusaha Besar Masyumi

Selain daripada itu Nahdah al-Ulāma menyeru supaya pergerakan-pergerakan dan pertubuhan-pertubuhan Islam wajib menyatakan perdiriannya dalam hal ini supaya umat Islam di Indonesia yang kini sudah tidak berharga dalam percaturan dan hidup dalam medan siasah, ekonomi, sosial dan kebudayaan akan mendapat penghargaan semula.


Kesimpulan daripada bantahan-bantahan itu ialah mereka berasa berduakacita bahawa Presiden Sukarno sebagai ketua negara mencampuri pertentangan-pertentangan faham (ideologi) di dalam negeri dengan ucapannya itu adalah terang menguntungkan sebahagian pihak yang lain. Dasar negara republik Indonesia yang akan datang itu hendaklah diserahkan kepada dewan perlembagaan dengan secara demokrasi – bukannya kepada fikiran dan pendapat-pendapat presiden sendiri.

Persatuan Islam pula menyatakan bahawa ucapan presiden itu “ Bukanlah barang yang ganjil dan mengejutkan kerana keyakinan peribadi Bungkarno telah diketahui dari dahulu hingga sekarang belum berubah.” Persatuan Islam sangat kesal bahawa Bungkarno di dalam perjalannya kerap kali lupa

akan kedudukannya sebagai kepala negara. Seterusnya pengerus besar persatuan Islam berasa gembira “melihat bangkitnya pertubuhan-pertubuhan Islam dengan langkah-langkah yang serentak menentang isi ucapan presiden itu. ”

Jurucakap Masyumi pula menyatakan bahawa Masyumi dalam perjuangannya sentiasa berkeyakinan, setiap kejadian yang kita suka atau tidak selalu ada hikmatnya. Peristiwa ucapan presiden di Amunatai itu ada hikmatnya bagi semua pihak yang bersangkutan.

Dalam lingkungan umat Islam tidak ada dua pendapat mengenai jaminan kemerdekaan beragama dan kesejahteraan hidup bagi tiap-tiap orang dalam sebuah negara yang berdasarkan ajaran-ajaran Islam. Yang demikian terbukti daripada firman al-Quran, sabda-sabda Nabi dan tawarikh-tawarikh Islam. Maka orang-orang yang di luar Islam hendaklah tidak menaruh bimbang dan khuatir sedikit juar pun di dalam perkara ini. Tetapi di sebalik itu harus ada pertanyaan daripada orang-orang yang bukan Islam – adakah benar agama Islam menjamin kebebasan agama lain daripada Islam?



Gambar lawatan dua orang pengurus Masyumi ke Johor. Dari kanan, Taufik al-Rahmān (Setiausaha Agung Masyumi), al-Sa'id Idzfar al-Bār, sahib al-Fadhilah al-Sa'id Alwi bin Tahār al-Hadad Mufti kerajaan Johor; Tuan Haji Zainal Abidin bin Ahmad yang terkenal dengan nama Zaid. H. Ahmad (salah seorang “orang kuat” Masyumi), al-Fadhl Tuan Abdul Jalil Hassan (Naib Mufti Johor) dan saudara Abdullah Basmeh pengarang Qalam – gambar Qalam.

Penerangan kepada inilah, menurut pandangan Masyumi, sangat mustahak disiarkan dan diketahui oleh umum. Ini adalah kewajipan tiap-tiap orang Islam untuk memberi penerangan yang sejelas-jelasnya dalam hal ini dan menjadi kewajipan kepada tiap-tiap orang mengetahuinya daripada punca yang sebenar-benarnya. (Tentang kedudukan *kafir dhimmi* di dalam negara Islam ada disiarkan pada lain muka dalam keluaran ini).

Sekianlah sebahagian daripada bantahan-bantahan terhadap kepada ucapan Presiden Sukarno di Amunatai yang menggemparkan itu. Tidak dapat diketahui dengan tepatnya adakah ucapan presiden itu diberi supaya mempengaruhi umat mempercayai apa yang dikatakannya supaya umat Islam di dalam pilihan umum yang akan datang yang harus dimenangi oleh umat Islam, jika mereka bersatu, dan akan mengalahkan kedudukan Parti Nasional Indonesia yang dahulunya ditaja oleh presiden sendiri, dan sebab itulah ucapannya itu dibantah keras oleh orang-orang Islam dengan kerana sifatnya sebagai Yang Dipertua Negara ia tidak boleh menyebelahi salah satu fahaman sama ada memihak supaya perlombagaan pada masa akan datang diasaskan kepada Islam atau pun kepada dasar-dasar kebangsaan.

* * *

Atas kejadian ini sangat molek dihubungkan di sini seperkara yang mengenai kedudukan kejadian 17 Oktober tahun yang lalu. Dua bulan sesudah kejadian itu Muhammad Natsir telah memberi suatu ucapan yang tajam terhadap kepada kejadian itu. Pada mulanya kejadian itu dipandangnya hanya sebagai suatu kesulitan yang tidak mengkhawatirkan kepada nasib negara tetapi kesulitan-kesulitan itu, sekarang menyebabkan suatu keadaan yang membahayakan negara. Keutamaan tentera kita telah menjadi rosak. Nafsu dan nafsu sama berkubur. Kesatuan umat dan negara sedang terancam. Kejadian itu mudah digunakan oleh Natsir yang memusuhi negara dan bangsa Indonesia. Bila kita lemah – katanya – negara ini boleh tumbang, kita semualah

yang berkewajipan menjaga keselamatannya.

Sekalipun ikhtiar-ikhtiar telah dijalankan dalam masa dua bulan bagi keluar daripada kesulitan-kesulitan yang berbahaya ini tetapi yang demikian itu tidaklah bermakna suatu penyelesaian telah tercapai. Dalam keadaan yang sedemikian inilah Natsir telah mengemukakan beberapa hal yang ditujukannya kepada kaum muslimin Indonesia khususnya dan bangsa Indonesia amnya.

“ Bangsa Indonesia adalah bangsa muslimin; suatu bahagian daripada bangsa-bangsa Islam yang terbesar di seluruh dunia. Di antara kita ada rupanya yang melupakan hal ini “ – kata Natsir. Mereka inilah yang diingatkan olehnya semula serta masanya telah tiba untuk menilai semula parti-parti dan golongan di Indonesia dan begitu juga tujuan daripada ketua-ketuanya . Pertama-pertama yang dijelaskan oleh Natsir ialah : “ Disedarilah hendaknya bahawa Masyumi bukanlah semata-mata pertubuhan siasah dalam erti istilah biasa, Masyumi ialah saluran bagi suara – politik dan daripada apa yang hidup dalam jiwa dari jumlah terbanyak dari bangsa dan muslimin Indonesia. 90 peratus daripada bangsa Indonesia ialah muslimin dan merupakan tulang punggung bangsa Indonesia. Bahagian yang terbesar dari tentera terdiri daripada kaum muslimin, pemerintah civil – dengan sedikit pengecualian dijalankan oleh muslimin. Dalam pemberontakkan terhadap Belanda dan penajahan, korban yang terbanyak diberikan oleh muslimin. Dipuni Guru, Imam Bonjol, Teku Amar, Tronnujuyu dalam masa yang lampau, dan dalam masa yang akhir ini Jeneral Sudirman telah memberikan jiwanya untuk kemerdekaan Indonesia – mereka itu ialah muslimin. “

“ Mudah-mudahan daftar korban ini tak mustahak lagi ditambah dengan susulan lain-lain nama” – kata Natsir. “Akan tetapi kepada mereka yang hendak merosak Indonesia dan merosak Islam saya berkata: “ Di mana perlu kami akan menambah daftar syuhada-syuhada ini dengan berjuta-juta nama lagi bagi menyelamatkan kemerdekaan Indonesia. “

Natsir faham bahawa kemahuan tidak didapati dengan tidak membetulkan diri sendiri dalam dan dengan tidak ada teguran yang meminta dari luar. " Kami dapat menghargai bangkangan akan tetapi mata kami tetap terbuka. Kami mengetahui dan sedar, bila serangan-serangan yang ditujukan kepada umat Islam sebenarnya bertujuan untuk menghancurkan negara dan bangsa Indonesia " – katanya.

Seterusnya Natsir meningatkan bahawa Masyumi sebagai wujudnya pertubuhan yang terbesar di seluruh Indonesia ini adalah bersemangat jihad. Masing-masing kami dapat "didiamkan" dengan bermacam-macam cara tetapi beribu-ribu orang lain akan menggantikannya. Kalau yang beribu-ribu itu "didiamkan" juga maka beratus ribu orang akan menggantikan mereka dan seterusnya berjuta-juta.

Kami tidak berdiam diri dan kami tidak dapat dipatahkan. Semenjak 1372 tahun hingga sekarang Islam sentiasa dalam serangan daripada musuh-musuhnya. Kami pernah dijajah, diseksa, diperhamba dan pernah mengalami pembunuhan besar-besaran tetapi penghancuran Islam tidaklah mungkin ada -melainkan sebaliknya Islam bangun. Kami bersedia untuk memaafkan tetapi kami tidak bersedia untuk beralah. Kami berjuang mencari keredhaan Illahi. Jiwa yang demikian ini ialah modal bangsa pencapai nilai-nilai hidup yang menghidupkan.

Natsir menuntut segenap pahlawan tanah air bersatu dengan tulus ikhlas, bekerjasama dengan rapat dan bulat untuk mengendalikan keinginan dan mengawal nafsu yang tak baik serta memusatkan kepada usaha-usaha bagi kebahagiaan bersama. Ia menuntut juga supaya tiap-tiap umat tidak bakhil mengorbankan perasaan, beralah dalam faedah diri kerana keselamatan negara telah menghendakinya.

* * *

Kerana ucapan-ucapan Natsir yang tajam ini Tuan Muhammad Isa Anshari, ketua Masyumi wilayah Jawa Barat yang menjadi pengarang majalah "*Aliran Islam*" di dalam rencana pengarangnya telah menyambut ucapan Natsir itu dengan ayat Quran



Presiden Sukarno sedang tertawa di dalam lawatannya ke Banjar Masin (Kalimantan) baru-baru ini. Gambar Airpost.

* * *

yang maksudnya: " Dan kami telah menjadikan daripada mereka itu suatu keperluan yang memberi hidayah dengan perintah kita hal keadaan mereka itu sabar dan cukup percaya dan yakin kepada tanda-tanda kebesaran kami. "

Ia menyeru supaya pemimpin-pemimpin Islam memelihara umat dan menegakkan agama. Ia memandang bahawa seruan Natsir itu tajam dan mendalam. Kesanggupan dan kemampuan memelihara umat itu hendaklah nampak dalam lingkungan penganjur Islam yang langsung bertanggungjawab atas keselamatan masyarakat terbesar di Indonesia. Kemampuan dan kesanggupan itu, katanya: "Bukannya kesanggupan menggadaikan umat, tetapi memimpin rakyat! Bukan menggunakan umat sebagai barang pertaruhan dan jaminan tetapi memberi pimpinan perjuangan umat Islam mengikut garis dan khitah (jalan) yang dihalalkan oleh ajaran Islam! Bukan kesanggupan "meminta" tetapi "memberi"! Memberikan kedudukan pekerjaan yang menguntungkan umat! Bergerak dan bertindak sesuai dengan kehendak dan keinginan umat, sesuai dengan ajaran dan ukuran agama serta pesan dan suruhannya. Inilah dia kehidupan yang dihadapi oleh seorang muslim. "

Terkutuklah orang yang mengaku pemimpin Islam jika

ia menghadapi soal umat dan agama

bukan sebagai ahli siasah muslim tetapi

sebagai ahli siasah negara belaka.

Pemimpin yang demikian ini sikap dan

langkahnya tidak akan menguntungkan umat

dan agama tetapi merugikan umat dan

agama.

Seterusnya Tuan Isa Anshari

di dalam tulisan itu mengehendaki

kebijaksanaan yang sejati untuk memberi

pimpinan kepada umat yang hanya terdapat

oleh orang yang sempurna faham dan

pengertiannya tentang cita-cita umat dan fahaman

perjuangan jemaah yang dipimpinnya. Mereka

hendaklah merasa dalam dirinya betapa

pandangan, penderitaan dan perasaan umat sekarang

-kedukaan dan luka, nista dan derita yang ditanggung

mereka.

“ Berpuluhan-puluhan ribu putera Islam yang ditahan sebagai tawanan dalam penjara dan dalam khemah-khemah tahanan di Jawa Barat, Jawa Tengah, Jawa Timur, Sulawesi dan lainnya-lainnya.

Beribu-ribu umat Islam yang dibunuh dan dilarikan oleh

golongan yang dinamakan “gerombolan berpakaian seragam”.

Umat Islam sekarang hampir-hampir tak sanggup lagi berkata

dengan mulut dan lidahnya mengatakan apa yang terasa di dalam

hatinya. Air mata umat Islam tidak lagi mengalir keluar

tetapi menitis ke dalam. Sememangnya umat

Islam cinta kepada negara tetapi mereka lebih cinta kepada agama.

Darah dan daging kulit dan tulang umat Islam hanyalah


halal mereka berikan untuk “*latakūn kalimat Allāh hī al-alyā*”

(maksudnya: Supaya menjadilah kalimah (agama) Allah Dialah

yang tertinggi.)

“Darah yang mengalir dalam tubuh umat Islam, kalimah

dan makna yang tertulis dalam jantung umat Islam tidak



Kedua-dua wakil Masyumi Tuan Farid A Ahmad dan Kiai Taufik ar-Rahman yang singgah di Singapura baharu-baharu ini setelah balik daripada menghadiri Mu'tamar Masyumi di Tanjung Pinang (dari kanan dan tengah) bergambar bersama-sama al-Fadhl Kiai Fadhlullah Suhami dan sahabat-sahabatnya tatkala kedua-dua mereka itu hendak balik ke Jakarta dengan kapal terbang di Kelang Airport baharu-baharu ini. – gambar Qalam.

lebih dan tidak kurang hanyalah berisi kalimah *Allāh hī*

al-‘alyā itu. Kerana itu umat Islam bertaubat dan

berjemaah, umat Islam berjuang dan berjihad; umat

Islam sedia berkorban, umat Islam bergerak dalam lapangan

hidup; kaum muslimin redha dan siap menyediakan daftar-daftar

calon syuhada bukan buat yang lain. “

Kemudian Tuan Muhammad Isa Anshari mengingatkan saudara-saudaranya kaum muslimin yang diserah dan diberi amanah oleh umat memimpin perjuangan mereka. Untuk tujuan ini jalan itu sahajalah umat Islam sedia dipimpin.

Ia berharap supaya jangan dilupakan tujuan itu oleh kerana terlambau memikirkan apa yang dinamakan pemimpin negara.

“Amanah yang saudara terima ialah: memelihara umat, menegakkan agama; menegakkan agama bermakna menyelamatkan negara; menyelamatkan negara belum bermakna menegakkan agama.” – katanya.

Dalam menghadapi soal-soal yang sulit ini hendaklah menghadapi soal negara sebagai seorang muslimin dan jangan menghadapi masalah agama sebagai seorang ahli siasah

negara. Jika faham yang demikian itu berjalan tidaklah syak dan waham kalau-kalau umat tidak akan berdiri di belakang penganjur-penganjurnya; carilah penyelesaian yang tidak merugikan umat Islam kerana umat Islam itu ialah golongan yang terbesar di dalam republik Indonesia.

Akhirnya Tuan Muhammad Isa Anshari menyeru supaya bersama-sama menjaga diri kemudian hari kelak sebagaimana yang termaktub di dalam al-Quran surat al-Aḥzāb ayat 67 dan 68. (Maksudnya: Mereka berkata wahai Tuhan kami, kami telah mengikut orang-orang mulia kami dan orang-orang besar kami, (pemimpin) lalu mereka menyesatkan kami daripada jalan engkau. Wahai Tuhan kami turunkanlah seksa kepada mereka dua kali lipat dan kutukilah mereka dengan kutuk yang besar).

“Kutuk umat dan azab Tuhan yang dilukis di atas itu” – kata Tuan Muhammad Isa Anshari menamatkan tulisannya, hanya dapat dielakkan jika kita sebagai pemimpin berpedoman kepada firman Allah yang saya letakkan pada permulaan rencana ini.)

Sekianlah keadaan dan pergolakan atas kehendak-kehendak

(sambungan dari muka 28)

sesuatu itu dengan kerana Allah (bukan kerana maslahat diri) dan bencinya berbalik kepada kafir bagaimana bencinya (tak sukanya) ia dihumbangkan ke api neraka. “

Berjihad dengan nyawa dan harta benda dalam ayat yang disebutkan itu bukannya hanya memerangi musuh yang menceroboh, tetapi melawan nasfu jahat, menjauhkan diri daripada perbuatan cemar, sanggup menanggung kepayahan dalam menuaikan ibadat, dan bersedekah, semuanya itu adalah jihad belaka. Pendek kata adalah jihad itu meliputi segala amal yang menaikkan mutu agama, yang menggilap batin dan yang membawa kebahagiaan tanah air serta yang mengukuhkan persaudaraan

menjadikan negara Indonesia itu sebagai sebuah negara Islam tidak akan kunjung padam walaupun presidennya sendiri yang kerapkali menggunakan kalimah Allah di dalam ucapan-ucapannya bagi menarik orang Islam di Indonesia itu akan membawa persatuan yang tidak akan dapat dipecah belahkan. Benar sungguh sebagaimana kata kiai Haji Bagus Hadikusumi “orang kuat” Muhammadiyah bahawa “kita mempunyai penganjur bernama Islam tetapi kita belum mempunyai seorang penganjur Islam untuk negara Islam di Indonesia dan sebab itulah saya pada suatu masa telah meminta al-Marhum Jeneral Sudirman menjadi Kamal “Ataturk” Indonesia tetapi ia tak dapat menyanggupnya dan sebab itulah kita belum dapat mendirikan negara Islam di Indonesia kerana belum mempunyai penganjur yang dapat menyatukan umat sedang penganjur yang ada bukan berjiwa Islam.

Telah siap

Pesan sekarang

SAIDINA HUSSIN DI KARBALA

(dua penggal)

sepenggal \$1.20 pos 10 sen

Islam.

Orang-orang yang berjihad demikian tu adalah akan menerima tahniah daripada tuhan mereka dan tetaplah bagi mereka itu taraf dan makam yang tinggi di sisi Allah di akhirat kelak, dan tetaplah bagi mereka itu kemuliaan dan kebesaran di dunia ini. Apakah yang lebih berharga di sisi seorang itu lebih daripada ia disifatkan benar? Sifat benar inilah yang dicari oleh semua orang, tetapi oleh kerana mereka mencari sifat itu dengan tidak mengikuti jalan lurus yang telah ditunjukkan tuhan, maka sesetelah mereka, merayu ke sana ke mari dengan tidak tentu hala. Mudah-mudahan manusia akan rujuk kepada iman kepada Allah dan rasul-Nya Muhammad, nescaya selamatlah dunia ini adanya.